

БАДМА НОЁН ХОЁР

Табатай Бадма эжыгээ дахалдажа, ажалдань хаа-яа ерэдэг юм. Таһагай эхэнэрнүүд сай шанажа, үдын хоол баридаг байба. Нэгэтэ таһагайнь ноён столоводо ошонгүй, тэдэнэртэй үдын хоол барилсахаяа столдо һуулсаба. Бадма хүбүүнэй сай ехээр уухынь адаглаһан ноён:

— Ши, Бадма, бишыхан аад, яагаа сай ехээр ууна гээшэбши? — гэжэ гайхан хэлэбэ.

Халуудатараа сай уужа һууһан Бадма:

— Би түргэн ехэ болохоо сай ехээр уудагби, тээд ши сай багаар уудаг байгаа ёһотойш, тиимэһээ дээшээ ургангүй, хажуу тээшээ боошхо болотороо бүдүүрээ ёһотойш! — гэжэ тоб байса харюусаба.

Табатай хүбүүндэ боогдоһон ноён амандаа уһа балгаһандал, аб аниргүй үтэр түргэн газраа гаража ошон юм.